



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1604

Vita Et Martyrivm Sanctorum & mirabilium operum effectorum, Abbatum, Cyri & Iohannis, ex ijs quæ extant apud Simeonem Metaphrasten. Paßi sunt hi sancti, Alexandriae, anno nono persecutionis à ...

urn:nbn:de:hbz:466:1-42667

impresso crucis signo, & mentis & corporis san-
tatem restituit,

Post hæc cum corporis languor magis magis-
que eam opprimeret, multi vtriusque sexus ho-
mines pietatis & religionis laude præstantes, vi-
sitationis gratia eam conuenerunt, cum eccē. ter-
tia ante obitum eius die, splendor ingens nitida
claritate refulgens supra domum, in qua sacra
virgo Christi aduentum securā præstolabatur, ap-
paret. Cumque præsentem insolitam visionem mi-
rarentur, & soror eius Vvaldetrudis inter spem
& metum dubia, quidnam præsignaret, tremebū-
da rei finem expectaret, sancta illa anima carne
soluta cum ipsa luce, de hoc seculo ad Christum
Iesum veram lucem migravit. Sepulta autem est
in villa, suæ quondam ditionis, quam Salram ap-
pellabant, vbi etiam vterque parens eius cum
Vvaldetrude sorore magnificè sepulti requies-
cunt. Postea vero corpus eius translātū fuit in mū-
nicipiū Malbodiū q̄ ipsa fundamentis construxe-
rat; vbi nunc memoria eius præclaris admodum
miraculis fulget, & plurima beneficia, diuinam
opem dignè implorantibus, concedantur.

Visio cele-
stis ante e-
ius obitū.

Moritur fe-
liciter.

Claret mi-
raculis post
obitum.

VITA ET MARTYRIUM SANCTO-
rum & mirabilium operum effectorum, Abbatum,
Cyrilii & Iohannis, ex ijs quæ extant apud Simeonem
Metaphrasten. Passi sunt hi sancti, Alexandria, anno
nono persecutionis à Diocletiano Imp. excita-
te, quæ fuit Christi Domini 310. sub
Maximino In oriente Impe-
rante.

Vide Cat.
Baron in
Notatio.
Martyr Rō.
Item Tom.
3. Annal. Ec-
cles.

CYRVS, egregium martyrum decus, Alex-
andria oriūdus, professione medicus, cum
res valdè admirandas non tam arte medi-
ca, quam

kk

ca quam diuina virtute efficeret, multorum ore, longè lateque celebratus, tandem & ipsi ciuitatis praesidi innotuit. Qui plusquam Vatiniano in Christianos odio debacchans, Cyrum comprehendi mandauit, vt eum pro sua tyrannide omnibus excarnificatum supplicijs morti traderet.

**Cyrus abit
in Arabiã.**

Quod Cyrus cum audisset, statim relicta ciuitate in Arabiam abiit, non quidem eo animo quod tyrannidem praesidis suppliciaq; pro Christo inferenda expauesceret, sed vt quamplurimos infideles, exemplo vitæ & doctrina, à miseranda diabolj captiuitate, in Christi libertatem vindicaret.

Fit monachus.

Primum itaque vt in Arabiam peruenit, capite tenuis rasit, sumptoque habitu monastico, caelestem in terris vitam imitari ccepit, eoque perfectionis ardentissimo pietatis studio peruenit, vt relicta planè medicorum arte, morbos & languores corporum, precibus & diuini verbi doctrina pelleret fugaretque. Ea res cum animos omnium in admirationem pertraheret, statim nomen eius in ea regione celebrari cœpiti & tandè quoque ad aures Iohannis peruenit.

Patria Iohannis.

Erat autem hic Iohannes patria Edessa oriundus, vir insigni admodum morum integritate praeditus, & in Christianam religionem ita affectus, vt spretis contemptisque opibus, diuini gloria, & auctoritate denique militari qua apud Imperatorem plurimum valebat, Hierosolymam profectus fuerit, indè verò sola Cyri fama commotus in Aegyptum venerit, vt cum eo vitæ cursum in Christiana Philosophia exigere posset.

**Ioannes vir
militaris.
se iungit
Cyro.**

Fortè eo tempore cum persecutio grauius detonderet,

tonaret, tres virgines vna cum matre comprehen-
 sae, & in ciuitatem Canopum (Cui Syrianus cum
 potestate summa praeerat) ductae sunt, vt vel im-
 puris dijs ibidem sacrificia offerrent, vel in acer-
 bilissimis supplicijs vitam finirent. Hec cum ad au-
 res Cyri & Ioannis delata fuissent, illi plurimum
 verine tenerimae virgines suppliciorum for-
 midine deiectae, Christi confessionem defererent
 eo properarunt. Theodote enim, quae erat aetate
 maxima; decimum quintum annum nondum at-
 tingerat. Theodota autem, quae eam sequebatur, a-
 gebat annum quartum decimum; Eudoxia autem
 omnium minima, annum vndecimum agebat.
 His ergo de causis Cyrus cum Ioanne timore affe-
 ctus eo descendit; Non solum enim sexus ille &
 aetas tam tenera, suppliciorum metu, sed blandi-
 tibus etiam, quibus valde obnoxia est, nullo nego-
 tio corrumpi potuisset. Accedebat his omnibus
 timor alius, qui eos de matris Athanasiae erga fili-
 as compassione sollicitabat vehementius. Itaque
 partim, vt virginibus animos ad certamen
 pro Christi nominis gloria fortiter subeundum
 adderent, partim etiam, vt simul praeclarum con-
 fessionis suae fructum perciperent, non dubitarunt
 se periculis exponere. Qui quidem vt ciuitatem
 ingressi sunt, & diuinis sermonibus virgines in
 constantia fidei confirmarunt, protinus ad Syria-
 num nomina eorum delata sunt: quod scilicet duo
 quidam ignoti, quorum alter monastico, alter
 militari indutus habitu, comprehensas modo vir-
 gines, in Caesaris iniuriam ad deorum contem-
 ptum multis sermonibus adhortati fuissent, & ad
 quous supplicia pro Christi nomine perferenda
 acriter inflammassent.

Tres virgi-
 nes Theo-
 dote, Eudo-
 xia cōpræ-
 headantur.

Athanasia
 mater caræ

Cyrus & Io-
 annes accu-
 santur quod
 virgines ad
 constantiam
 hortarentur.

His auditis Syrianus suo eos conspectui offer-
 ri iussit

Kk 2

Syrianus
eos auerte-
re à Christi
cōfessione
nititur.

Responsum
martyrum.

Cruciantur
martyres a-
trocissimè.

Eximia mar-
tyrum con-
stantia.

Tres virgi-
nes cū ma-
tre capite
plectantur.

Post varia
tormenta à
militibus ob-
truncantur
Cyrus & Io-
hannes.

ri iussit quibus multis banditijs & minis persua-
dere conatus est, vt relicta fide, quam profiteban-
tur, dijs immolarent. Cui Cyrus & Iohannes pari
constantia in hunc modum responderunt. Nos, o
præses, paucis animi nostri sententiam aperire
confueuimus. Scias igitur nullis nos vel minis,
vel blanditijs à Christi confessione auellendos
esse. Hæc Syrianus audiens iracundia vehementer
commotus, primò quidem virgines adduci iussit,
vt crudelissimo suppliciorum spectaculo virgi-
nibus terrorem incuteret, earumque fidem labe-
factaret. Nec mora. Cæsi primò flagellis athlete,
clauis contriti, lampadibus vtilati, vta mem-
bra aceto & sale confricata, postremò bullente
pice pedes inuncti. Horrendum quidem fuit
hoc virginibus spectaculum & intollerabile
martyribus supplicium; sed tam virgines quam
martyres pari constantia atque virtute in Christi
confessione perseuerarunt. Vnde ab impotenti
mentis suæ furore victus ipse Præses, virgines vna
cū matre, nihil muliebri aut ignauè præ se fere-
tes, capitis sententia dānauit, quā ille porrecta
lacriter cervicib⁹ glorioso cerramine exceperunt.

Quibus feliciter coronatis, Præses omne su-
um studium ad subuersionem Cyri & Iohannis cō-
uertit. Et nunc quidem donis ac muneribus, nunc
minis atque tormentis eorum constantiam per-
tentabat. Sed frustra fundamentum angulari lapi-
di Christo firmiter inādicatum conuelleren-
tebatur. Vnde plenus admirationis & eos capiti-
tandem sententia plecti curauit. Fuere sacræ eo-
rum reliquię in S. Marci Euangelistæ magno fide-
lijum gaudio illatæ, vbi ad tempora, vsque Theo-
dosij quieuerunt.

Porro à ciuitate Canopo distabat vicus qui-
dam duo-

dam duorum stadiorum spatio, quem Manuthe nominabant. Hic erat malignorum spirituum infidijs omnibus infestus, quem Theophilus Præses Alexandrinus sæpenumero ab ea peste liberare voluerat, sed morte tandem præuictus, quod tota mente meditabatur, ad exitum perducere non potuit. Huic Cyrillus successit, qui cum pari diligentia in eam rem incumberet, & vota & preces ardenti studio Deo nuncuparet, vt viam modumque ostenderet quo malignorum hostium caeteram ex eo loco profligare posset, Angelus Domini in visione ei apprensus mandauit, vt sacra martyrum cyri & Iohannis corpora vna cum sanctissimi Marci Evangelistæ reliquijs eum in locum transferret, quorum præsentia demones continuo in fugam verterentur. Hac itaque occasione sacra martyrum reliquiæ vicefimo octauo mensis Iulij in Manuthe translatae sunt, quarum aduentu maligni spiritus in fugam versi, & locus omnipotenti Deo cum maximo populi totius gaudio consecratus est.

Corpora eorum translata in vicum Manuthe.

VITA S. MARCELLAE VIDVAE, EX

ta qua est per D. Hieronymum ad Principam virginem. Obijt Anno à Christo nato 410. Innocentij Rom. Pontif. 9. Honor. 16. Theodos. 3. Imp. paulo post urbem ab Athalarico Gothor. rege expugnata.

Epistola 16 Vide Cas. Baron. Ann. Tom 5. & not. in marty. R. 6.

Marcella Romanae urbis inclytum decus, illustri admodum orta familia, facta est. opibus & nobilitate contempta, paupertate & humilitate nobilior. Orba patris morte, viro quoque post nuptias septimo mense priuata est. Cumque eam Cerealis, cuius clarum in-

st. Ianuarij. Patria eius. Maritum septimo à nuptijs mense amittit.